



Primjer za vježbu

S.B. je živjela u bučnom naselju, blizu kampusa fakulteta, gdje su studenti redovno organizovali okupljanja i zabave. Glasna muzika i generalna buka su često trajali do duboko u noć, zbog čega je S.B. redovno zvala policiju kako bi se žalila na uznemiravanje. Policija nije dolazila na lice mjesta svaki put, a i kada su dolazili nisu poduzimali konkretne aktivnosti koje bi spriječile buduća uznemiravanja. Jedne večeri, dok je S.B. gledala sa prozora grupu mladih koja je ispred zgrade pila alkohol uz gitaru i pjesmu, vidjela je kako dvojica mladića počinu da se tuku i kako jedan od njih gitarom udara drugog u glavu i bježi sa lica mjesta. S.B. je zatvorila prozor i odlučila da se ne miješa u incident, jer policija ionako ne interveniše na njene zahtjeve. Sljedećeg dana je saznala da je napadnuti momak preminuo, a da je lokacija napadača nepoznata.